



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Caput XIV. Gregorius IX. Archiepiscopo a Mediolan.

[urn:nbn:de:hbz:466:1-74544](#)

§.

Adjudicimus insuper, ut quilibet Archiepiscopus, vel ^a Episcopus, per se, aut per Archidiaconum suum, aut alias honestas, idoneasque personas his, aut saltem semel in anno propriam paroeciam, in qua fama fuerit haereticos habitare, circumeat, & ibi tres, aut plures boni testimonii viros, vel etiam (si expedire videbitur) totam viciniam jurare compellat, quod si quos ibidem haereticos sciverit, vel aliquos occulta conventicula celebrantes, seu a communi conversatione fidelium vita & moribus dissidentes, eos Episcopo studeat indicare. Ipse autem Episcopus ad presentiam suam convocet accusatos, qui nisi se ab objecto reatu purgaverint, vel si post purgationem exhibitat in pristinam fuerint relapsi perfidiam, canonice ^b puniantur. Si qui verò ex eis juramenti Religionem obstatinatione damnabili respuentes, jurate forte noluerint, ex hoc ipso tanquam haeretici reputentur. Volumus igitur, & mandamus, & in virtute obedientiae districte præcipimus, ut ad hæc efficaciter exequenda Episcopi per Diœceses suas diligenter ^c invigilant, si canonicam velint effugere ultionem. Si quis enim Episcopus super expurgando de sua Diœcesi haeretici pravitatis fermento negligens fuerit, vel remissus, cum id certis indicis apparuerit, & ab Episcopali officio deponatur, & in locum ipsius alter substituatur idoneus, qui velit, & possit haereticam confundere pravitatem.

N O T A E.

^a **E**piscopus.] Cujus præcipuum munus est haereses extirpare, haereticosque punire. Felix Papa epist. 3 ibi: *Fratres hortor dilectionem vestram, & obtektor, & moneo, ut quā debetis, & potestis sollicitudine vigilans ad inveniendos haereticos. Sixtus II. epist. 1 ad Gratianum Episcop. ibi: Tuam monito dilectionem, ut cunctos, quos errare cognoveris, ad Catholicam fidem, & ad unitatem recte credentium convertere studeas. Leo Mag. epist. 2. ad Episc. Italiae, & 74. vel 76. ad Anatolium Episc. & epist. 80 ad Iulianum Episc. Concil Carthag. can. 124. Si in matrice, vel in Sede Episcopus negligens fuerit contra haereticos, admoneatur a viis Episcopis: & si ab eo die intra sex menses in Provincia suanom conveniat ad unione Ecclesia Catholicae alios, non ei communicetur donec id sit Referat Ant. Aug. in epist. juris lib. 4. tit. 5^o. & probavit in c. 2. hoc tit. l. 1. C. Theodos. de Relig. Novella 3. Valentini, D. Ambrosius epist. 32. I. Gothofsi. in dict. l. 1. Adhuc enim his temporibus Alexandri, & Innoc non erat Inquisitorum jurisdictio statuta, quæ per sequentes Summos Pontifices concessa, & instituta fuit; nam cum Episcopi cœpissent variis negotiis implicari, Diœcetumque non per se, sed per alios*

regere; haereticique non solum latenter, verum & palam venenum effunderent, oportuit Judges peculiares peritissimos, & Religione præstantes instituere in qualibet Provincia, ut inquirent, punirentque haereticos, & de haereti suspectos, non tamen ideo sublata fuit hæc facultas Episcopis, qui ut ordinarii Inquisitores hærem sumul cum ipsis Inquisitoribus possunt procedere, & in ipsis causis fidei decidendi suffragium decisivum habent; non autem ad pœnam procedere possunt, immò si quam receperunt probationem, tenentur eam Inquisitoribus transmittere. Molina de justitia disp. 28. n. 13. Carena de officio Inquisit. 1. p. tit. 4. §. 3. num. 20. Villarœl. p. 1. regim. Eccles. q. 5. art. 1. De origine autem jurisdictionis, & officiū sanctæ Inquisitionis in genere agunt Paramus de officio sancta Inquisit. lib. 1. per rotum Salellas ro. 1. de mater. Tribun. sanctæ Inquisit. lib. 1. in prologom. de origine sanctæ Inquisitionis, specialiter in Hispaniarum Regni: eruditæ, & late agit Tamayus à Salazar in. Marisol. Hispan. tom. 2. die 29. Aprilis, Thomas Delbene part. 2. de offic. Inquisit. dub. 195. Fragoso tom. 2. de regimine.

^b **Puniantur.]** Juxta tradita suprà in cap. excommunicamus, §. illi autem.

^c **Invigilent.]** Juxta suprà tradita in c. 2. hoc tit.

C A P U T XIV.

Gregorius IX. Archiepiscopo ^a Mediolan.

Sicut in uno corpore. *Et infra:* Cum igitur nonnulli laici prædicare præsumant, & verendum nimis existat, ne vitia sub specie virtutum subintrent; nos attendentes, quod Doctorum ordo est in Ecclesia Dei quasi præcipius: mandamus, quatenus cum alios Dominus Apostolos dederit, alios Prophetas, alios vero Doctores, interdicas laicis universis, cuiuscunque ordinis censeantur, usurpare officium prædicandi.

N O T A E.

^a **M**edolan.] De Metropoli hac Mediola-

nensi egī in cap. 17. de rescriptis. Hujus textus commentarium dedi suprà in cap. cum ex injuncto.

C A P U T